


Beth Twitty tabata na Canal 90

Periodista Stanley Arends a cuestiona e dunamento di informacion di mama di Natalee



ORANJESTAD(AAN):Ayer a den oranan di mainta e mama di Natalee un biaha mas a bin duna un statement lesando un papel cu kizas su abogado mes a traha pe.


Un biaha mas nos ta compronde y pueblo di Aruba ta biba cu su dolor, pero na dado momento nos bon Arubianonan ta cansa ora cu bo cuminsa cu ofensanan den direccion di nos hendenan cu pa colmo a ser laga liber pa falta di prueba pa nos bisa cu nan ta inocente.

E manera di yega y lesa un pida papel pa despues cana bay a pone cu hopi hende no a gusta y aki ta caminda cu e periodista Stanley Arends a cuestiona esaki pasobra casi tur anochi si ta mire ta dirigi su mes en vivo via canalnan Mericano.

Esaki Stanley Arends a mostra e abogado di mama di Natalee.

Mirando e reclamo aki a haci cu e abogado mr Mohamed a bin ta pafor pa asina papia cu Stanley Arends unda nan a intercambia palabra y Stanley a logra pa mr Mohamed bay paden y puntra e mama di Natalee cu pueblo di Aruba kier papia cune.

Esey a sosode tambe unda diabierna atardi den e



noticiero Atardi den Noticia a logra pa e mama di Natalee bin den studio di Canal 90 unda algun pregunta hopi suave a ser haci na dje y asina el a contesta varios di e yamadanan haci.

Naturalmente su abogado tambe tabata tey y a contesta

algun pregunta mientras cu tabata tin algun pregunta un poco pica cu a prefera di no duna comentario riba dje.

Tog e importante ta cu esnan cu tabata por a logra haya contesta pa nan pregunta.